

欽定剿平粵匪方略

欽定剿平粵匪方略卷三百四十一 癸亥年

四月十六日

壬辰

沈葆楨奏言三月二十

堵王黃老虎由祁門界桃墅鎮一路帶領悍賊  
十餘萬與許家山陳家嶺等處踞匪會合次日  
逆衆傾山倒海而來營官王大魁等率槍隊六  
百名憑河扼之該逆分路從上下游竄渡欺我  
軍勢孤冒煙而進韓進春見衆寡懸絕非猛戰

不可令收回槍隊讓其過河調馬隊迎勦行至  
中途被該逆圍住過河之逆喊聲大震韓迥春  
望見賊環長濠數市後隊迥邁四五里因令長  
夫火夫站立營牆十營士卒拔隊盡起親率死  
士衝其右翼引出西路左右營之兵楊必遇等  
統馬隊突圍而出撼其左翼韓鳳飛等直擣中  
堅賊陣屹立不動將士憤極短兵相接人人致

死賊乃披靡我軍偏至河邊該逆憑水死戰我  
軍復卻適韓進春擊退西路之賊以親兵及左  
右營馳至東路之賊爲馬隊所偏併歸中路我  
軍三面夾擊賊遂大潰自相踐踏積屍盈渠自  
已至申血戰四時非勇中有一人殺四五十賊  
者計陣斬千餘名割取首級五百餘顆淹斃者  
不可勝數據生擒賊供黃逆以皖浙無糧圖竄

集賢堂之四卷三十四十一  
二  
江西以達楚粵現退至離營三十餘里之楓樹  
壠一帶仍飭加意嚴防毋任竄越

沈葆楨又奏冒據韓進春稟稱擒獲逆匪鄧恩  
發一名供稱從賊最久因覓偽哮王胡鼎汶屍  
首該將飭於積屍中辨認有穿藍襖袖盤金龍  
者曰此偽哮王胡逆也復獲陳士發一名供亦  
相同是胡逆確已伏誅洵足以快人心奏入

上命議政王軍機大臣傳諭沈葆楨曰僞堵王黃老虎等由初門界桃墅鎮一路率領悍賊十餘萬渡河撲營韓進春親督死士奮力擊賊以少勝多陣斃僞哮王胡鼎汶一名此次力戰卻賊大挫兇鋒實屬異常出力著沈葆楨將在事出力員弁擇尤保獎以示鼓勵惟黃老虎尙未就擒該逆現退至離營三十餘里之楓樹壠一帶難保不乘隙復出

滋擾仍著督飭韓進春一軍加意嚴防毋任竄越  
段起一軍前據該撫奏報已赴槻田街察看地勢  
擬與韓進春會商進剿刻下祁門賊勢甚盛卽著  
飭令該道員等一鼓作氣實力剿辦務將黃逆殲  
除勿留餘孽

十七日 癸巳 李鴻章奏旨太倉克復後總兵程學

啟會同戈登乘勝進攻崑山三月十六七等日

總兵郭松林等追勦茜涇支塘餘逆擒斬無數  
太倉境內一律肅清與常熟福山各營來往通  
氣程學啟等督帶所部進徧崑山東門跨河立  
營猛攻兩日未能卽下戈登遂暫撤回松臣因  
太倉新復崑山軍情未定帶隊由嘉定馳赴太  
倉與李鶴章會籌布置於太倉北門外通常熟  
蘇州之路分紮八營以堵援賊二十三日臣往



程學啟崑山營次察度城賊情形周歷婁江青  
陽江吳淞江各河道派淮揚水師陽利見等三  
營分扼水口與陸軍相爲依護越日由水路折  
往青浦飭守將滕嗣武加意嚴防如蘇崑窮寇  
乘虛內竄與現駐千墩水陸各軍互爲援應二  
十七日至松江府城面商戈登添備攻具剋期  
赴崑山會剿是夜仍馳回上海據程學啟稟稱

四月初一日派副將劉士奇由東門滾紮北門  
外月河橋步步進蹙程學啟帶三營隊伍前往  
更樓橋周市一帶察勘地勢有賊千餘紛紛竄  
伏卽飭參將周良才等排開隊伍該逆見我軍  
嚴陣而來遂退回城中程學啟卽飭周良才等  
就地扼紮以杜該逆由北門出竄初二日劉士  
奇至月河橋紮營程學啟親督洋槍隊並陽利

見礮船前往堵禦該逆瞭見我軍已紮營牆卽  
糾大股由南門衝出並於城上開礮抵拒程學  
啟令各軍一面紮營一面奮勇截殺斃賊數百  
名該逆敗退入城劉士奇立定營盤距城不過  
數十丈擬借輪船大礮兩尊併力轟打儘能得  
手卽搭造浮橋渡過奮勇爬城戈登昨由松來  
滬亦約定帶隊前往會攻探聞崑新城賊欲糾

蘇州踞逆僞暮王譚紹洸合力抗拒然屢敗之  
餘勢已窮蹙僞忠王李秀城已帶大股赴皖北  
巢縣廬江等處與鮑超各軍相持似難速回援  
救或可乘此機會迅克崑城如崑城可得則與  
常熟各軍進規蘇州前路河湖交匯支汊皆通  
水師旣易得力陸軍亦便分扼其常州踞逆僞  
護王陳坤書一股現由楊厓顧山圖窺福山壘

經總兵劉銘傳等分兵截剿嘉興踞逆僞聽王  
陳炳汶一股赴援杭州富陽又分股圖撲章練  
塘洙涇一帶以牽掣我師亦經參將曾敏行等  
師船合力擊退奏入

上命議政王軍機大臣傳諭都興阿富明阿李鴻章  
曰總兵程學啟一軍於太倉肅清後進徧崑山東  
門跨河立營該逆由南門衝出我軍奮勇截殺斃

賊甚衆該逆敗退入城勦辦極爲得手卽著照李鴻章所擬調集水陸隊伍併力圍攻速將崑城克復以爲進規蘇州之計惟崑山攻勦一經得手則蘇城之賊勢必圖竄江北旣得就食裏下河完善之區卽可掣動南岸官軍之勢皆在意中據李鴻章奏稱僞忠王李秀城已帶大股赴皖北巢縣廬江等處與鮑超各軍相持是其窺伺江北狡謀已

可概見著都興阿富明阿督飭各軍嚴密布置加  
意防禦江北關繫極爲緊要該將軍等務當慎之  
又慎毋得稍有疏失致誤事機

同日唐訓方奏言僞忠王李秀城爲苗逆勾合  
自石澗埠解圍後進撲六安臣卽函商提督鮑

超探明追勦並飭臣部駐防廬州義字三營撥  
隊馳赴臨淮昨接探報該逆聞鮑超大隊到舒

卽解圍遁至壽界又爲各圩練丁感之該逆野  
無所掠卽由壽南遁至定遠之鐘橋臣復飭定  
遠鳳陽各地方官集練守城分咨鮑超暨義字  
三營星速北來覘賊所至痛加勦洗而該逆已  
竄至鳳陽曹家店分撲定遠縣城逼近鳳陽莫  
延鳳屬之劉府總鋪一帶縱橫百餘里火光燭  
天地方屢經蹂躪覓食維艱臣部兵力本單軍



無數日之糧甚爲可慮所幸民心尙固各圩紳  
董多能齊團助勦臣惟有殫盡血誠激勵兵練  
以待援師相機會勦奏入

上命議政王軍機大臣傳諭曾國藩吳棠唐訓方曰  
唐訓方奏苗逆勾合髮匪由六安進撲定遠偏近  
鳳陽蔓延所屬之劉府總鋪一帶縱橫至百餘里  
逆勢鴟張鮑超之軍能否由廬州定遠進援著曾

國藩相機調遣如鮑超未能赴援壽境其應如何  
另籌勁旅以顧壽州一路之處著曾國藩唐訓方  
迅籌妥辦唐訓方卽力保東路其東北一帶兵力  
空虛著吳棠嚴飭黃開榜等勤加偵探遏其北竄  
毋任紛擾

同日李續宜奏言臣於三月初十日自籍冒雨  
起程感觸風寒舊病陡發仍力疾前行計臣家

至湘鄉縣城陸程僅一百六十里至三月十七  
日始到於是病益難支遂趕緊覓醫調治近來  
疊接下游警報皖鄂均形喫緊恨不星馳赴皖  
辦理軍務而一病糾纏憂灼如焚俟痼疾稍痊  
卽當勉強支撐由水路飛速下駛斷不敢稍涉  
稽遲貽誤戎機臣於同治元年七月初六日間  
訃丁母憂以來悲痛之情至今不釋而奉

旨奪情在

朝廷有不得已之苦衷臣亦有不能言之隱慟惟有  
顛懇

恩施逾格開臣皖撫之缺專辦軍旅之事不特完臣  
名節亦且於臣病體有益至事權分屬或致呼  
應不靈臣自當隨時商榷委曲求全以期上副  
宸廑下盡臣職奏入

上諭內閣曰前因安徽軍情緊要督辦需人屢經降旨命李續宜署理安徽巡撫令其墨經從戎於假滿後迅速由籍起程馳赴安徽並以軍務與地方應辦事宜必須聯合方可收功諭令該署撫毋庸固請開缺茲據該署撫奏稱途次患病悲痛未釋請仍開巡撫署缺專辦軍務等語奪情起復本係朝廷不得已之舉旣據該署撫懇情陳奏至再至

三自當曲體下情勉從所請李續宜著准其開署  
理安徽巡撫之缺仍專辦皖北軍務迅速前赴軍  
營毋稍遲延

二十日丙中官文嚴樹森奏言皖省捻匪由清水

河東走廣濟重陽橋經該縣知縣覃瀚元擊敗  
遂竄往黃梅縣屬之考田鎮後山鋪一帶覃瀚  
元復會同該縣知縣史維基帶勇追及斬擒數

百人該逆連夜由亭前驛竄入安徽宿松縣屬之二郎河臣遙揣賊情必由潛太舒桐勾合巢含髮逆當咨提督成大吉由蘄水鼓行而東跟蹤追躡並飭總兵穆正春馳紮英蘄之間相機會剿正在部署間接准兩江督臣曾國藩飛咨偽忠會李秀城自解圍石澗埠後親率大股直撲廬江繞竄桐城之東北新店崇山等處適由

潛太下竄之皖捻攻樸桐城未得逞志遂在孔  
城地方會合同由舒城大路上竄圍攻六安州  
城勢甚兇猛其捻股已至霍山縣境據廬江官  
兵搜獲僞忠會文稱該逆與僞來會陸瞬得等  
計議令其率掣皖軍而自率悍黨由舒六英霍  
疾趨湖北麻城宋埠一帶分犯漢口黃州窺伺  
荆襄與竄陝之陳玉城餘黨聯成一片又據謀



報苗沛霖率衆突叛亦有勾結髮逆犯鄂之謀  
臣等查皖豫捻逆甫經擊退乃忠逆復糾黨西  
趨冀圖肆擾鄂疆斷絕皖軍餉道逆燄甚張其  
謀尤狡現在賊氛偏近或由英霍以達二蘄羅  
麻或繞商固信羅以至德安所屬迢迢千里防  
不勝防一經闖入旣恐其直撲武漢攻我腹心  
又慮其分犯荆襄踞我形勝設有疏虞大局何

堪設想曾國藩於搜獲僞文後飛調提督鮑超  
蕭慶衍道員毛有銘各軍由廬舒一路進解六  
安之圍飭道員李榕一軍由潛山一路進擊霍  
山之捻復恐鄂力單薄檄飭成大吉回顧鄂疆  
侍郎彭玉麟所部之總兵王吉水師喬導營自  
九江上駛漢黃一帶並飭總兵李朝斌將由湖  
過鄂之新募太湖水師截留數營以資巡防又

谷商提督楊岳斌添派水師二三營來鄂助守  
其意甚爲周浹臣等熟商以目下形勢而論守  
鄂卽所以顧皖而近防尤貴乎遠征現已檄飭  
總兵穆正春率所部毅恆六營自上巴河星赴  
英山會合皖軍兜擊而以副將王桐柏所部親  
軍六營馬隊二營代守上巴河成大吉之馬步  
各營扼紮漢黃適中之岐亭宋埠而以舒保所

部之東省馬隊馳驟其閒作爲游兵又抽撥毅  
恆營副將蕭恆勝等守羅麻交界之松子長嶺  
二關而以紳士姚敦禮等集團輔之以防東路  
總兵周鳳山五營分守麻城之兩路口黃安之  
新集一帶總兵楊朝林六營固守應山縣屬之  
三關總兵沈俊海率元右等五營移紮隨州七  
姑店並飭郎中李雲麟暫緩赴陝率毅健六營

守棗陽道員歐陽正塘率發右等五營守襄樊以防該逆乘虛西犯幸春水盛漲武漢黃江面及河湖港汊分布礮船可資控扼現飭總兵張啟基等各率所部礮船一齊駛入內河分防鵝公頸等處其黃屬下游之下巴河一帶責成副將丁長春等分段巡邏以防搶渡南岸至曾國藩派來水師王吉一軍卽令其由潯陽直駛武

漢東自陽邏西至漢口分列於北岸江漢之澗  
隨時援應目下黃州四面皆水李朝斌所部太  
湖水師前後兩營卽令其專防黃州附近之三  
台河等處俾昭嚴密儻皖軍得手該逆或不至  
長驅直入如遲至十日後則各軍均抵防所布  
置稍周尙可勉支危局 臣嚴樹森於三月二十  
七日馳赴上巴河察看各營壁壘旋於四月初

二日仍回黃州團風鎮居中調度奏入

上命議政王軍機大臣傳諭曾國藩略秉章唐訓方  
李桓曰髮捻勾結肆擾據搜獲僞文稱忠逆欲分  
黨牽掣皖軍而自率悍賊由舒六英霍疾趨湖北  
麻城宋埠一帶分犯漢黃窺伺荆襄自應力籌防  
剿曾國藩現調鮑超蕭慶衍等軍由廬舒進以解  
六安之圍道員李榕一軍由潛山進以擊霍山之

捻並令成大吉回顧鄂疆彭玉麟楊岳斌所部各  
派水師赴鄂協同防勦官文等現飭穆正春赴英  
山王桐柏駐上巴河成大吉紮岐亭並羅麻等界  
之松子長嶺二關及應山隨州棗陽襄樊等處各  
派防兵與水師分段巡邏均尙布置周妥卽著官  
文等督飭水陸各軍嚴密設防毋令闖入嚴樹森  
回駐團風該處與巴河緊接尤爲扼要卽著隨時



妥爲調度其六安舒桐蔓延英霍一帶之賊並著  
會國藩唐訓方迅籌剿擊賊如犯鄂會國藩卽飛  
飭各軍緊躡與鄂省諸軍前後合力夾擊其李雲  
麟之軍現守棗陽一時不能赴陝而陝南軍務極  
緊現在髮逆狡謀又有欲由襄漢勾連之信興漢  
賊氛尤應及早掃除前諭駱秉章飭周達武一軍  
由川赴陝仍著懷遵諭旨飛飭該總兵拔隊迅往

漢南以資勦辦李桓現在行抵何處並著星速前往漢中督率辦理毋稍稽延

二十一日丁酉曾國藩左宗棠沈葆楨奏旨自徽

休解嚴漁亭獲勝後羣賊嘯聚黟縣初門圖竄  
浮景以擾江西僞堵王黃汶金僞祐王李遠繼  
等勾結太平石埭賴古兩逆由建德過新安嶺  
至太白鋪渚口等處逼近初門西路黟縣之賊

亦時擾祁門東路王文瑞以賊氛四逼當將駐  
防漁亭之總兵丁長勝等調回祁門並由王沐  
派管赴祁助剿三月初十日賊蹤緊逼祁門西  
路之千佛橋小路口一帶距城僅十里次日王  
文瑞督隊迎剿行至七里橋遇賊轟斃十餘名  
賊始敗走追至小路口賊復以大股回拒官軍  
猛擊數次斃賊千餘賊死拒不退喻勝策匹馬

陷陣身受矛傷哨長彭友年裏創力戰陣亡官軍益加憤怒左右兩路齊出奮力衝殺賊乃大潰官軍四面蹙之殲斃殆盡後股之賊紛紛竄走楊海泰等繞出千佛橋迎擊又斃賊無算計是役共斃賊七八千名生擒八百六十五名奪獲偽印三百餘顆羸馬二百餘匹據生擒賊供首逆偽祐王李遠繼已被官軍陣斬並殲斃賊

目甚多其劉典一軍將徽州北路肅清後卽飭黃少春等七營進剿休甯北路藍田之賊斬馘百餘名次日進剿小溪之賊又斬馘數十名十四日王沐因賊由黟西竄至橫路楠木嶺一帶濂亭赴祁門道路梗阻遂率所部轉戰而前又斃賊二三百名而該逆大股仍踞黟縣城內自黟西至祁門東北折而至祁門南境均爲賊踞

王文瑞將丁長勝等調回祁門漁亭僅王沐一  
軍駐守頗形單薄劉典卽飭黃少春等各營進  
紮漁亭張聲恆齊蘭禮移紮九鞏橋十六日劉  
典至漁亭瞭見駭境四五八九等都賊蹤已滿  
其黟縣至漁亭大路又設一卡以阻我師當於  
十七日偕黃少春王沐分三路齊進甫近卡邊  
該逆出黨千餘王沐奮擊卻之劉典卽督軍過

河將賊卡平毀而城賊及左右村莊之賊大至  
衆約數萬蟻擁而前適黃少春從左路沿岸而  
下中右兩路一齊猛進賊勢大潰劉典遂令黃  
少春由左路攻四五都之賊王沐由右路攻八  
九都之賊劉典率黃有功等追至黟縣城下乘  
勢奪門而入賊由東門竄走其時左右兩路已  
將四五八九都之賊剿除小溪一帶賊千餘

來撲經張聲恆擊敗悉向羊棧嶺方干嶺逃去  
計共斃賊四五千名十九日王沐進紮黔城右  
山劉典派朱明亮等三營助之築壘未畢該逆  
大隊來撲王沐等奮擊斃賊多名該逆又分路  
來犯王沐等督隊猛進賊敗而復回官軍勢幾  
不支黃少春等繞後擊之賊始駭奔追殺數百  
名據生擒賊供該逆圖竄嶺內者因太平古逆



扼其去路必欲嗾各逆竄越江西並約騎賊前來助戰而另分大股偷竄徽休以撓官軍後路二十四日劉典知黟縣之黃村廬村等處賊已築壘勢將久踞遂率軍進剿該逆併力出拒左路黃少春等擊破一壘李良平復降其二百餘人中右兩路之賊來援王沐等繞出其後賊大敗狂奔陣斬詢天義等悍賊多名黃少春追至

羊棧嶺賊分向嶺外竄去計破賊壘二十一座  
斃賊近二千名二十六日有零股回竄又約斃  
三百餘名生擒僞主將林逆磔之惟據道員段  
起緘稱池建之賊已竄過石門距景德鎮僅七  
十餘里青陽等處之賊亦併圖上竄饒景戒嚴  
劉典擬留王沐防守黟縣自率全軍赴浮梁助  
勦又據王沐稟稱賊蹤尙環伺嶺外劉典未便

移軍入江如果太平石埭之賊全股竄江自當  
越皖赴江以有原議等語查該逆由廣德分竄  
皖南蔓延愈廣浙東敗賊復竄入合股其圍繞  
徽州休甯者意在闖越婺源以入江西之德興  
樂平其竄踞黟縣圍繞祁門者意在闖越浮景  
之東以出德興樂平之閒而抄浮梁景德之後  
此次官軍肅清歙休進剿黟縣嚴守祁門前後

斃賊二萬數千之多劉典身先士卒屢瀕險危  
應先開列請獎以昭激勸其餘出力員弁容臣  
等查明酌保陣亡員弁並懇

飭部議卹奏入

上命議政王軍機大臣傳諭曾國藩左宗棠曾國荃  
沈葆楨曰池建青陽等處之賊併圖上竄饒景戒  
嚴王沐回援江境而黟縣無兵留防賊蹤尙環伺

嶺外徽休一帶空虛劉典自未便移軍入江左宗棠以該逆糾各大股由廣德分竄皖南蔓延愈廣浙東敗賊復竄入合股其圍徽休者意將闖越婺源以入江西之德興樂平竄踞黟縣圍繞祁門者意將闖越浮景東出德興樂平之閒而抄浮梁景德之後現在饒信之防沈葆楨辦理尙屬周妥左宗棠督飭劉典等軍與江省聯絡一氣諒羣醜不

得肆其衝突仍著該督撫妥爲辦理惟嶺外逆黨  
尙多青陽石埭建德東流均有賊蹤安慶省城爲  
中樞扼要北自巢含舒桐以至英霍一帶髮捻交  
乘又值苗沛霖復叛金陵逆黨自九洲洲渡江聲  
言不擾及裏下河等處卽直上和含且與捻苗各  
匪均相勾結恐有詭謀以解金陵之圍曾國藩識  
略素優務宜倍加謹慎以策萬全浙軍近日甚爲

得手此時劉典等軍能否與蕪湖金柱關等處聯絡一氣或於克復富陽後卽移得勝諸軍由於潛昌化進攻廣德以圖東壩與曾國荃偪金陵之師前後夾攻直搗老巢著卽會商妥籌辦理皖浙唇齒相依左宗棠務與曾國藩聲息相通緩急互應並著傳知彭玉麟楊岳斌等加意巡邏以杜勾結上諭內閣曰官軍會克黟縣出力之浙江按察使劉

典著賞給阿爾剛阿巴圖魯名號江西吉南賴甯  
道王文瑞著賞給該員祖父母父母二品封典副  
將黃少春著交軍機處記名遇有浙江總兵缺出  
請旨簡放黃有功楊芳桂均著賞加總兵銜參將  
喻可宗齊蘭禮均著以副將仍留浙江補用喻可  
宗並賞給鋒勇巴圖魯名號齊蘭禮並賞給健勇  
巴圖魯名號守備劉大謨著以遊擊補用並賞換



花翎同知李躍南著以知府仍留浙江補用並賞  
換花翎其餘出力員弁著左宗棠沈葆楨擇尤保  
奏陣亡之擬保遊擊彭友年擬保把總羅廣林均  
著交部照擬保官階議卹

欽定勦平粵匪方略卷三百四十二 癸亥年

四月二十三日

己亥

都興阿富明阿奏言查大股

逆匪於丹陽凌口一帶蔓延至玉山後揚言北  
竄當經督飭提督賴鎮海整備師船以資堵禦  
該逆果竄至諫壁以南旋即折回玉山越日復  
由玉山結隊擁至江邊經賴鎮海分飭各船迎  
擊適遊擊陳奇彪亦帶長龍礮划駛至開礮合

身身圖之四三二  
一  
剿擊斃數十名該逆仍卽遁回江陰逆首蓄意  
圖竄巫山港大陰沙等處先派逆首左姓率黨  
擄船經總兵郭定猷督船堵剿開礮轟擊酣戰  
一時之久斃匪甚多賊陣潰亂我軍乘勝登岸  
掩殺遊擊李德祿奮勇爭先手刃數賊骸受矛  
傷仍裹創力戰各軍相繼並進該逆紛紛敗走  
其上游浦口觀音門一帶三月二十七日寶塔

根以上時有賊蹤窺伺卽經水師派撥嚴划前往防勦次日忽有馬步賊數百向寶茗根而來統領梁正源揮令各船開礮轟擊斃賊不少賊勢披靡守備袁得龍首先登岸正在砍殺忽被逆槍擊中登時陣亡各弁勇愈加奮怒大呼追殺斃賊無算江浦屯逆分股上竄之後覬覦東犯並據探報髮逆竄撲滁境離城三十五里之

關山朱龍橋地方並有圖竄儀揚之說又探苗  
練勾結髮逆竄擾定遠縣攻打吳家圩意圖東  
犯滁揚頃准吳棠咨稱髮逆由桐城竄六安經  
官軍追擊現已竄至定遠鑪橋有東竄淮揚之  
說並探逆衆由六安竄至盱眙西鄉之馬家岡  
管店一帶肆行擄掠各等情臣等查揚防以東  
江陰等處逆賊時圖北竄現在太倉肅清後官

兵圍勦崑城該逆窮蹙無歸尤恐渡江紛擾北  
路則苗練復變欲竄淮揚兼之大股逆衆由定  
遠直犯盱眙五河而西路江浦之賊亦時謀窺  
伺實有瞻前顧後之虞六合李世忠自江浦失  
利遠保滁州若大六喫重甚屬可虞惟有督飭  
各軍嚴加防禦不敢稍存大意其陣亡守備袁  
得龍懇

恩飭部從優議卹

同日漕運總督吳棠奏言臣准署安徽撫臣唐訓方咨稱髮逆由桐城北竄六安經提督鮑超追擊現已竄至定遠鑪橋有東竄清淮之謠又據副將蔡觀賢稟稱髮逆由六安竄至盱眙縣西鄉之馬家岡管店及津泥澗溪地方並據總兵安勇盱眙縣知縣李金庚稟報相同臣查粵

逆經上游官軍擊退翁盛狂奔人數尙衆誠恐  
乘機突擾臣已飛飭蔣壩衝陽高寶各將領督  
率水陸各軍嚴加防禦並抽調駐防成子河之  
總兵鶴齡等管帶馬步隊一千名馳往蔣壩衝  
陽會同各軍實力堵禦如再緊急臣當飛調別  
隊馳往防勦不敢稍涉大意並咨會都興阿富  
明阿一體嚴防



同日李鴻章奏言太倉肅清後進攻崑山以程學啟一軍主之派開字奇字等營分紮東北兩門之閒四月初三日程學啟督軍直逼城根開礮轟打城上悍賊拚死抵拒礮子往來如織我軍不能仰視賊卽乘勢由南門衝出欲襲我軍之後程學啟派隊迎勦陣斬賊匪數百名該逆敗退入城旋探僞暮王城王等糾集大股數萬

來崑援應初七日有賊萬餘復由南門繞東門  
兼至青陽江一帶程學啟派洋槍隊會同水師  
轟擊斃賊百餘賊仍向南門遁走復從北門衝  
出直撲開字新中營當令副將陳有昇等竭力  
堵禦該逆死踞營右高坡意欲築壘屯紮我軍  
轟斃黃衣賊目賊乃退回其援逆分股竄周市  
更樓橋等處副將宋有勝等擊之斃賊數百僞

拱王一股復由北門搭造浮橋直抵開字營之前次日又由南北兩門衝出萬餘人分偏我營別出悍賊數千直撲開字新中營濠牆經各軍互相攻擊酣戰四時生擒及轟斃者不下二三千人賊始返奔留守太倉之軍係李鶴章主之派督撫標各營紮毛家市橋建字各營紮杜家橋盛字營親兵紮雙鳳鎮以爲犄角之勢其八

里橋小路另派遊擊衛汝貴築一小營扼守布  
置甫定四僞王糾衆約六七萬人欲攻太倉以  
解崑山之圍卽糾合大股圍撲盛字營周盛波  
憑牆固守一面抽隊繞過街西從後抄擊該逆  
腹背受敵奪路狂奔遁回周市僞來王率六七  
千衆徑撲親兵前營周盛波開礮擊斃紅衣黃  
衣賊目數十名賊復分隊圍撲盛字副營並在

街口修造石卡周盛波令周盛傳由雙鳳鎮之  
右孔昭佑由雙鳳鎮之左分路包抄自帶親兵  
直入街內賊見我軍夾擊僞來王已中槍傷遂  
奪路而遁周盛傳等合力兜剿該逆人馬紛紛  
投水水爲不流李鶴章派副將吳建瀛伏於樹  
屋叢密處截殺百餘名與周盛波等合隊追至  
駕鸞橋次日僞暮王湘王率三萬餘衆由雙鳳

鎮之右來撲親兵前營並由鎮北面四路環攻  
子如雨注周盛波等連開槍礮擊斃賊目十餘  
人賊猶死拒周盛傳自帶親兵伏於牆外木城  
排放洋槍擊斃無算孫善成水師復來會勦自  
辰至午過河之賊愈多周盛傳派隊乘船渡河  
將守橋之賊擊斃數百浮橋立卽燒燬賊乃膽  
怯遁去其雙鳳鎮左之賊正在圍撲副營周壽

昌帶隊衝進孔昭佑由營衝出兩面合擊該逆  
退踞石橋周壽昌躍馬直入被槍打穿左髀猶  
裹創力戰適吳建瀛等趕到施放洋槍該逆龍  
旗大隊忽被槍子擊動賊隊乃亂周盛傳等與  
援軍夾攻賊紛紛撤退是夜大廟河川橋一帶  
賊卡復經知縣余思樞等襲破殺賊數百名又  
有另股竄踞沙溪鎮分擾季家灣黃中元等乘

夜出隊賊不及防蒼黃亂竄我軍追至沙溪該  
逆自相蹂踐港多路窄淹斃無數周盛傳等亦  
由直塘以西跟追擒斬數百名諸僞王遁回崑  
山太境一律肅清查該逆以崑山攻急糾合四  
五萬衆注意打破雙鳳鎮三營直入嘉定以斷  
後路而解重圍其計甚爲兇狡賴將士用命得  
以大挫兇鋒而援應崑山之賊復經各軍同時



擊敗城賊爲之奪氣現在戈登備帶洋礮於初十日抵崑臣已飛飭各將弁等會商妥辦

李鴻章又奏言崑山北門援賊連營密布意在抄擾我師十一日程學啟派參將周良才等繞至更樓以襲該逆後路道員符信等進攻左路副將宋有勝等進攻右路程學啟自督遊擊陳忠德洋槍隊並攜帶開花礮四尊會勦天明直

偏賊營該逆乘霧埋伏約三萬餘衆見我軍至  
伏兵突起勢甚兇猛當飭各軍分投迎擊並另  
派副將陽利見所部戰船夾攻水陸各軍連戰  
十餘合擒斬悍賊百餘名賊猶拌死抗拒戈登  
連放開花礮擊中多賊該逆大股稍卻程學啟  
揮令各軍乘勝進剿斬馘無算大股之賊始行  
狂奔立破賊營十餘座符信等三營由左路進

擊宋有勝等三營由右路直攻復破賊營四座  
其餘各賊營亦多潰散周良才督率四營跟蹤  
追勦陽利見督率各船開礮環攻該逆奔逃無  
路半就擒誅計共殺斃賊匪萬餘名落水死者  
不計其數共破賊營二十四座奪獲旗幟器械  
三四千件餘匪不及入城望西遁竄我軍追過  
西門三里許該逆外接受此大創城賊喪膽已

挑先鋒乘夜屯紮西門以備阻截一面飭令程  
學啟會同戈登併力攻打城池並飭李鶴章派  
隊由雙鳳進勦兩路夾攻迅克堅城均奏入

上命議政王軍機大臣傳諭都興阿富明阿吳棠李  
鴻章曰逆匪竄撲下游之諫壁大陰沙等處經都  
興阿等督飭賴鎮海等率領師船連獲勝仗其上  
游之浦口寶塔根馬步賊匪亦被梁正源等登岸

擊卻防勦均尙認真現在太倉全境肅清崑山援賊壘被程學啟等水陸各軍迎勦獲捷僞碁王等所築崑山城外營壘均經官軍踏平戈登現帶洋礮已抵崑山李鶴章復派隊由雙鳳進勦兩路夾攻崑山之賊斷難久踞著李鴻章速飭程學啟等乘此聲威迅拔堅城以收破竹之效惟江陰一帶逆賊時圖北竄若崑山克復該逆窮蹙無依鋌險

渡江尤意中事著都興阿富明阿嚴飭沿江水陸各軍加意防守不可以屢獲勝仗稍涉鬆懈所有寶塔根打仗陣亡之守備袁得龍著交部從優議卹髮逆捻逆合同苗練直犯定遠已竄至盱眙縣之馬家岡管店及津泥澗溪地方淮揚屬境防堵正當喫緊著都興阿等督飭各營將領嚴密戒備力保完區並著吳棠飛飭蔣壩衝陽高寶在防文

武員弁認真扼截毋得稍有疏虞

同日沈葆楨奏言鄱境踞匪自三月二十五日  
經我軍痛勦後退屯高沙坂山背時出小隊窺  
探追之則不戰而退以誘我軍深入又因我軍  
有投誠免死之示逃出者均資遣回籍遂令悍  
賊五名詐降求充營勇希圖焚我貨糧軍火經  
韓進春訊出真情立予正法遣人焚積薪以誘

之該逆望見煙起果彘擁而來窺我營不動復  
狐疑而退智窮力竭勢將遁矣而石太古賴諸  
逆復勾楊輔青由建德馳驟而來從石門東趨  
繞出陶溪渡之南分股西竄現在東至梘田街  
西至花橋賊蹤充斥昌江北岸蔓延百里韓進  
春以饒郡震動移營徐埠橋以截之段起王德  
榜派隊哨及梘田街雖小有斬獲然賊勢如長



蛇慮其旁襲仍收隊回浮景臣飛飭守備法占  
雄劉效鵬帶忠勇軍左右營馳赴饒州歸韓進  
春調遣屈蟠帶平江各營與夏耀藻之仁右營  
樂平縣之民團嚴扼昌江南岸與浮景聯絡王  
沐之繼果營將抵浮梁席寶田之精毅營已抵  
臨江計二十前後可至饒防俟兵力較厚飭其  
會商進剿奏入報

聞

二十五日辛丑駱秉章奏言查興安鎮安兩城雖

經收復髮逆偏攻漢中藩司毛震壽屢次進擊賊勢少卻而逆蹤蔓及沔縣甯羌其注意窺川已可概見且藍張兩逆仍踞洋縣是陝南之賊一日未除不惟漢郡可危川北亦時虞紛竄臣查髮逆中旗一股自甯遠上竄由川西沿山急

遁屢經各軍追擊勢已窮蹙乃接會理甯遠稟  
報石逆已擁衆渡金沙江竄至德昌河西禮州  
一帶圖犯腹地此路祇大渡河有險可扼而越  
嵩冕甯路徑紛歧皆可直達彼岸沿河三百餘  
里凡可渡之處皆須派兵扼堵且有僻境由沈  
邊土司地界渡河卽可趨天全小徑以窺川西  
臣已調總兵唐友耕一軍並飭署雅州府知府

蔡步鍾募練二千名及木坪土兵四百五十名  
分布清溪以下渡口以扼越嶲冤甯兩路其沈  
邊渡口則飭副將謝國泰調兵設防臣復飭提  
臣胡中和馳赴嘉定策應此川省西南分兵防  
剿之情形也髮逆李幅猷一股自雲南昭通分  
竄貴州之大定畢節現據敘永合江等廳縣稟  
報該逆已竄黔界之孤兒井毛台村等處皆距

川境數十里臣度該逆與石逆分道而馳一則  
繞建昌以伺我不備一則突涪南以乘我不及  
其計誠爲兇狡臣已檄臬司劉嶽昭由高縣移  
營截勦以杜詭謀此川省東南分兵防勦之情  
形也敘郡爲川南適中門戶不惟滇黔土教各  
匪時圖侵擾且虞石逆及李幅猷等逆一經各  
軍擊退勢必復由雲南之東川鎮雄合窺敘南

是敘郡之防不可一日稍疏臬司劉嶽昭所部  
移赴綦南臣卽調總兵何勝必蕭慶高各軍仍  
防敘南以期周密至川北則上至廣元昭化下  
至城口太平在在與陝南毗連旣經撥兵出勦  
斷難分段駐師兵由此進賊由彼入道途相左  
回顧莫及鄰疆未見肅清本境已遭蹂躪臣再  
四籌度旣不能不酌抽數營進援漢南更不得

不選留勁旅兼防川北伏查總兵周達武所部  
武字營雖尙得力然其舊部僅二千名合之現  
募之一千名僅三千餘人萬難獨翦巨寇而此  
軍最稱矯捷留爲川境要擊離勦之師則甚可  
恃是以屢經鄰省咨調臣不敢遽令出境現擬  
抽調駐防南江通江之道員張由庚所部三千  
二百人並添調總兵朱桂秋所部二千二百人

共五千餘名卽由南通出境先勦漢中髮逆惟  
川中雖已撥兵而髮逆號稱十餘萬仍須湖北  
會勦且須統帥得人方不致進止不齊臣接江  
西藩司李桓自長沙來稟約計三月中旬起程  
取道湖北鄖襄前進到營尙需時日未便懸兵  
以待現有湖北派防鄖西之郎中李雲麟願率  
所部由興安約會川兵進勦臣已飛咨湖北督



撫臣卽派李雲麟迅速會勦並懇

恩賞加李雲麟品秩較大虛銜俾得暫爲統帥其道  
員張由庚總兵朱桂秋悉聽其指授方略備一  
戰而殲羣醜固屬至幸卽使先挫兇鋒得保漢  
郡以待李桓整旅而來亦不難次第削平前次  
擒獲奸細及逃出難民均有該逆垂涎蜀境意  
圖與石逆糾合之供現在川北防兵旣已抽撥

出境川南之師萬難移動周達武一軍仍令暫紮昭廣一帶設賊由甯羌奔突可備堵截或賊由南通城太乘虛窺伺亦卽星馳雕勦此外尙有平武縣之喬莊等處與陝境之陽平關一帶接壤山徑叢雜周達武一軍殊難兼顧臣復調派護軍營二千餘名前往設防俾昭嚴密

駱秉章又奏言查髮逆賴積新卽賴剝皮自貴

州郎岱與石逆分路繞赴建昌意圖伺我不備  
迨退踞德昌裹脅煙匪不下三四萬人於正月  
二十六日復行上竄適值總兵朱桂秋已抵甯  
遠卽出隊迎擊殺斃二千餘人該逆抄小徑繞  
竄參將劉鶴齡追至禮州副將蕭祥勝帶隊行  
抵觀音巖賊衆來撲副將鄒成彪力戰陣亡適  
副將秦福益趕到朱桂秋亦督兵追及遂與劉

鶴齡等合力攻勦賊始披靡退踞瀘沽我軍分  
路進勦斃賊甚多賊之前股已由冤山對河小  
路急竄直徧越嵩驪城經署同知周岐源等督  
率兵練堵禦斃賊二千餘名生擒賊供辨認賊  
屍內有逆首賴蘋新被土兵用石擊斃並有僞  
統領蕭袁二逆之屍該逆旣無統率益復拌命  
狂奔竄至保安署都司趙仁接仗陣亡賊乃涉

淺搶渡臣卽飛調總兵唐友耕由嘉定迎擊並

派知府劉德謙馳赴邛雅復調總兵何勝必等

相繼而進該逆已繞過清溪直奔榮經知縣孫

怡祿帶團出禦因賊衆圍單賊遂闖入縣治孫

怡祿復調團進攻將縣城收復該逆竄入山徑

道員鄂惠等督飭兵練分扼隘口維時護軍營

已抵名山該逆不敢由大道直窺雅郡由山徑

旁竄天全知州丁雲章帶團扼守靈關賊已關  
入州治丁雲章聞信趕回旋即克復總兵唐友  
耕由邛州先撥都司唐大有迎勦該逆被蘆山  
縣團練截擊竄至高家場不意我軍猝至乃反  
奔河場唐大有卽於高家場築壘劉德謙亦由  
名山移紮夾門關以扼由蒲江東竄之路該逆  
分撲唐大有營壘該都司督兵奮力擊勦斃賊

五六百名三月初一日唐友耕親往接應正遇賊匪紛紛敗竄卽與唐大有前後夾擊該逆力不能支由石家山狂竄計斃賊三千餘名遂由大邑崇慶山內之新場懷遠鎮竄至溫江之何圩場蕭慶高兼程馳至該逆復旁竄郫縣之花園場朱桂秋又由雅州追及該逆不意到處有兵日夜急奔蕭慶高等因賊行甚疾催隊遽行

及賊於彭縣之敖家場劉德謙等直前衝殺勇氣百倍復斃賊三千餘名拔出難民數千人賊向什加之李家張逃竄何勝必時已先至什加朱桂秋復由彭縣馳來賊衆新敗不敢喘息急奔百餘里至德陽之孝泉甫思暫踞而何勝必又督隊趕到朱桂秋亦自火燒堰截出合兵酣戰共斃賊千餘人生擒二百餘名初十日追至



羅江之略坪探知該逆已由慧覺鋪竄至三臺縣之葫蘆溪蕭慶高等分道並進正值該逆渡河我軍擊斃一千餘名餘賊向劉家河逃竄適知縣潘澤霖管帶武字營新募勇丁行抵梓潼卽向劉家河進發該逆甫經交鋒復由宣化鋪竄去十四日及賊於江油之馬鞍寺參將何世華匹馬突陣忽中洋槍兵勢稍卻蕭慶高率隊

繼進賊仍由山徑逃竄十六日追至馬關賊已遁平武之雁門壩涼水井一帶由此以往悉皆窮山僻徑我軍乏糧不能枵腹並進遂分朱桂秋一軍由雁門壩搜捕據生擒賊供僅餘數千人向山谷奔匿以圖苟延殘喘乃旋接廣元昭化探報餘賊已由平武山內逃往甘省文縣邊界之畢口地方臣以此股殘匪未能殲諸本境

殊深憤懣現復籌援漢南未便以此牽綴大兵  
度該逆必由略陽圖與甯羌之賊合股儘能分  
兵會剿陝南之賊並將此股殲除庶不致貽患  
鄰疆所有勦賊陣亡之參將張春圃等均請

飭部從優議卹並查榮經天全皆於上年經藍逆攻  
陷城垣未及修築此次復被賊匪闖入知州丁  
雲章知縣孫怡祿雖未能防範於前旋卽收復

尙知愧奮應懇

天恩將丁雲章孫怡祿革職暫行留任副將秦華祝  
雖因中途患病不能親督前進以致該營挫失  
究難辭咎應請

旨將秦華祝革職並撤去勇號以示懲儆此次逆賊  
狂竄一日夜行百數十里諸軍兼程追勦連戰  
皆捷不無微勞可否容臣查明擇尤獎敘

同日署貴州巡撫張亮基奏言二月初六日有  
髮匪一萬餘人由川界至雲南鎮雄州竄入畢  
節縣境勾結豬拱箐苗匪從小路竄至林口攻  
破團營數處經總兵李有恆督練截擊斃匪四  
百餘名賊復由後所吳家屯七星關竄出總紀  
河我軍追至小免場因乏糧收隊又有另股髮  
匪萬餘人由雲南昭通府下竄威甯水城郎岱

平遠各屬州地面均經紳團擊退擒斬甚多該  
匪因各屬均有嚴備不能逞其狡圖於三月初  
旬回竄沙子哨我軍追至瓢兒井復斃匪數百  
名賊向遵義地界之清水塘遁去其由總紀河  
追出之匪亦回竄大定府屬木烈鋪地方臣查  
該逆等奔突無常此次分竄清永塘木烈鋪兩  
處難保不合股肆擾現已飛飭總兵李有恆暨

大定遵義各文武督率兵團合力夾擊並派都  
司張樑帶兵馳往黔西州相機助勦務期迅掃  
妖氛以弭數省之患

同日雲南提督福陞奏言本年正月初旬髮逆  
石達開十餘萬衆由四川橫江分竄入滇自大  
關以北西竄永善縣灑漁河等處旋由樂得古  
地方竄撲昭通府城臣當卽會同署昭通鎮總

兵副將博昌昭通府知府夏廷相帶領兵練  
極力抵禦始行擊退共斃賊匪六萬餘衆生擒  
一千九百餘名殲斃逆首並拾獲石逆幼子奪  
獲贏馬槍礮多件餘賊仍由金江連夜竄入川  
境昭通地方一律肅清此次以數千之兵練當  
十餘萬之兇賊一月之內卽將全股擊退所有  
出力文武員弁已分別稟報督撫臣酌覈辦理



均奏八

上命議政王軍機大臣傳諭略秉章勞崇光張亮基  
賈洪詔福陞曰周達武一軍旣據略秉章奏稱兵  
力尙單改令道員張由庚總兵朱桂秋各領所部  
兵勇合五千餘人由南通出境越勦漢中之賊卽  
著督催張由庚等星速前往李雲麟之軍前經官  
文等奏留駐防鄂棗刻下鄂邊賊勢稍紓當可移

師西向略秉章所請量加階秩俾資統率之處應  
俟李雲麟行抵漢中再爲酌辦其甯遠等處被勦  
由平武山內逃往甘省文縣邊界餘匪如由略陽  
與甯羌之賊串合張由庚等軍馳赴陝南卽可並  
將此賊聚殲著略秉章飭令該道員等探悉賊蹤  
相機勦辦其川省東南之劉嶽昭軍西南之胡中  
和唐友耕等軍布置均尙周妥敘南所駐之何勝

必一軍川北所留之周達武一軍均著督飭嚴密防剿保全四境石逆一股游弋川黔等省各邊已久此賊起自廣西最爲頑惡流轉東南各省現復擁衆以渡金沙分擾川滇接壤境地逆謀詭譎必有所圖略秉章與勞崇光張亮基賈洪詔等務宜隨時相機飭令各邊將士設法將此賊擒戮毋任蔓延至福陞所奏由川入滇髮匪竄撲昭通府城

督率地方官兵禦擊獲勝等情並著該督撫等查  
明如果有出力員弁兵練據實保奏

上又命議政王軍機大臣傳諭官文嚴樹森毛鴻賓  
李桓曰陝省漢中被圍已久城固褒沔徧地賊蹤  
鄰省援師豈容日久耽延致形滋蔓李桓自報起  
程迄今尙無到陝消息亦未接中途奏報前已傳  
諭該藩司迅速趨行卽著懷遵前旨剋日兼程前

進馳赴漢南相機勦辦李雲麟一軍官文等前因  
髮逆圖犯鄂境飭令留守棗陽暫緩赴陝現在該  
省防堵事宜自己布置周妥其棗陽一路距皖省  
逆氛尙遠不妨抽調別營駐紮以資鎮遏且川省  
援軍旣已出境若無鄂軍合力夾擊賊勢浩大終  
難聚殲著官文嚴樹森卽飭李雲麟迅率所部剋  
期出境由興安取道西鄉與川中所派之兵會合

撓勦毋少宕延川省西防髮逆東禦鄰氛堵勦情  
形亦與湖北相埒略秉章尙能不分畛域抽調赴  
援湖北以榮經派赴漢南之軍豈可因防務恭嚴  
日久羈留置鄰疆於不顧官文等務當剋日調派  
一面將李雲麟起程日期迅速馳奏以慰廬繫

上又命議政王軍機大臣傳諭熙麟瑛榮恩麟曰此  
次竄入甘省文縣之髮匪必繞由略陽糾合甯羌

踞賊若不力加擊勦甯羌匪勢益張著瑛檄督率  
文武將圖竄略陽之殘匪認真搜勦悉數殄除毋  
令與甯羌之賊勾結致辦理更形棘手張由庚等  
軍指日可到並著瑛檄嚴飭漢南各軍會合川兵  
相機攻勦不得專恃鄰境援兵轉任本省兵勇觀  
望退縮貽誤戎機髮匪現既竄入甘省文縣未知  
復竄何處抑或卽擾略陽著熙麟恩麟一體派兵

嚴加堵剿迅殄賊氛

上諭內閣曰四川兵團截剿髮逆獲勝並殲斃首逆  
所有陣亡之參將張春圃副將鄒威彪遊擊雷國  
斗都司彭果能龍春化趙仁周漢三知縣葉淮外  
委李復舉魏文明馬正魁左興發恩騎尉王德壽  
把總蕭有才均著交部從優議卹榮經天全兩城  
因上年被匪攻陷後尙未修築致此次復被賊匪



關入天全州知州丁雲章榮經縣知縣孫怡祿雖  
未能防範於前惟調集兵團旋即收復尙知愧奮  
丁雲章孫怡祿均著革職暫行留任以觀後效副  
將秦華祝雖因中途患病不能親督進兵惟該營  
因此挫失實有應得之咎秦華祝著卽革職並撤  
去勇號以示懲儆所有在事尤爲出力各員弁團  
練等著略秉章擇尤保奏

同日安徽巡撫唐訓方奏言苗逆勾合髮匪自六安竄至鑪橋直徧定遠鳳陽一帶臨淮南北兩岸僅有四營若令拔隊遠勦不特衆寡懸絕轉恐避實擊虛爲賊所乘臣再四籌維仍令按兵不動嚴飭鳳陽府縣暨定遠縣督練堅守城池並飭道員秦榮等親詣各圩諭其防守卡寨俟賊蹤徧近以副都統克蒙額所部馬隊並敢

死步卒爲游擊之師擘畫既定令營總勝安出  
西路曹家店等處營總和善出南路總鋪一帶  
克蒙額出東路靠山集而以總兵宋慶等軍先  
趨鳳陽多豎旗幟使賊知我有備而別率輕卒  
赴援田趙各圩該逆不虞官軍猝至望風奔逸  
我軍由總鋪一帶追擊斬賊千數百名該逆併  
歸定遠將欲偪城爲營臣復添派馬隊跟追至

定遠北二三十里該逆列仗迎敵我軍從旁擊  
之槍如雨下該逆首尾不能相顧紛紛南竄我  
軍乘勝擊斃千餘人次日竄至張橋又爲參將  
吳開會邀擊斃賊數百名而臣部義字三營自  
廬郡來援行至定遠東南之圓潭地方適與賊  
遇遊擊歐陽勝美等各率所部分路衝突賊倉  
猝失措自相蹈藉而死者不可勝數被脅逃散

者亦以數千計其積年巨匪悉數南遁自必併

入巢縣而零星股匪分走定遠之明光池河等

處或繞盱眙或回江浦臣飛咨吳棠嚴密防範

尙可無虞查江北髮逆以數萬之衆麕集六安

忠會初意原圖併犯湖北踞我完善之區乃爲

苗逆所誘入此絕地路無可休之舍野無可掠

之糧臣復以馬步官兵及各處團練四出擊之

該逆窮無所逞悉數敗竄其骸大衰現在鳳陽  
定遠一律肅清臨淮復臻穩固所有在事出力  
員弁紳練可否容臣查明擇尤請獎之處出自  
鴻慈奏入

上命議政王軍機大臣傳諭會國藩都興阿富汗阿  
吳棠唐訓方曰髮捻並犯皖疆現經唐訓方派集  
兵練以勦爲防逆股悉數敗遁鳳陽定遠一律肅

清臨淮復臻穩固洵屬調度有方深堪嘉尚所有  
尤爲出力之馬步兵練均准其擇尤保奏藉資策  
勵髮匪南遁勢必併入巢縣而零星股匪分走定  
遠之明光池河等處或繞盱眙或回江浦著曾國  
藩都興阿富明阿吳棠嚴密偵探督令在防各將  
士認真擊勦並著曾國藩飭知李世忠固守地方  
遇賊卽擊勿任寇氛肆擾該逆如竄犯江北都興

阿等務當認真勦洗勿稍疏虞

同日馮子材魁玉奏冒蘇常江陰等處逆首因  
官軍連下堅城聲威大振進勦崑山勢將攻取  
吳門搆其巢穴乃以鎮防兵單地蹙輒思復犯  
頭隊賊約六七千名晝伏夜行潛窺東路屬集  
孩溪大肆焚掠臣等當調馬步隊四成派總兵  
陶茂森等迎頭擊勦大戰於諫壁鎮地方遊擊



林從太等率馬隊爭先陷陣守備鄧全勝等繼之斬獲極多而敗殘之賊恃有後援未卽遠遁散漫於諫壁孩溪附近二三十里之內臣等亟擬掃除奈陰雨連旬未能出戰迨四月十五日復探聞常蘇江陰死黨萬餘人屯於丹陽新豐等處並在越河以南拆屋紮簿三十餘座欲侵鎮防南路並據都司楊鎮稟報僞護王侍王因

浙滬兩軍偏勦意圖北犯會集十天會擬分十  
路出竄江防現有偽趨輔侍三王已到並於常  
郡西門河下擄獲多船等情臣等卽飛咨都興  
阿吳全美等轉飭沿江各口加意嚴防並派隊  
扼東路丹徒鎮之衝飭都司向代清等守丹徒  
鎮灣子橋柏子橋兩處十六日東路之賊欲犯  
丹徒渡河肆擾因見官兵先已據橋當有悍賊

數百逞兇來奪遊擊林從太等卽帶兵堵禦維  
時大隊逆匪紛紛繼至衆逾萬餘攜有洋槍排  
列河干轟擊並有悍黨鼻水渡河適臣等豫調  
之張文德楊青山由南門繞赴東路田宗揚陶  
茂森由東路馳至丹徒正見我軍與賊相持張  
文德首先衝入爲賊槍所中洞穿小腹之旁當  
經守備李耀光救護回營參將文漢章等均因

突陣受傷猶復裹創力戰斬將奪旗斃賊無算  
逆勢不支紛紛敗遁是日共斃賊一千餘名墜  
河淹斃者不計其數臣等仍飭水陸各營嚴加  
戒備以固鎮防奏入

上命議政王軍機大臣傳諭馮子材魁玉曰蘇浙敗  
匪屢思渡江北犯現經滬上官軍連下堅城進攻  
崑山勢將進取吳門蘇常江陰等處逆首復思竄

犯鎮城經馮子材等督飭將士將孩溪諫壁之賊  
及紛搶渡河股匪先後擊退惟丹陽新豐等處之  
賊現在敗遁何處曾否退出鎮境未據該提督等  
奏及此次賊黨衆多較諸歷次犯鎮諸賊勢尤兇  
悍馮子材等務當加意慎重嚴密防勦將境內賊  
蹤迅速掃除毋令久踞